

之事則緩慢太甚近聞之則官貪以其匠人或作丘史或私自借入致
 令內用器物未及造納至為非矣即令下義禁府推考可也○日暈
 兩珥冠○夜流星出東區星入南方天際狀如梨尾長五六尺許色赤又出
 軫星入南方天際狀如鉞尾長三四尺許色赤又出大微西垣入軒轅星狀
 如鉞尾長五六尺許色白○壬午夜南方東方艮方有氣如火流星出天
 市西垣入大微東垣狀如鉞尾長六七尺許色赤○癸未傳于政院曰今
 日打圍時左廂左衛後部將李萬齡絕驅右廂後衛後部將辛世瑤在
 所此人等犯軍令下義禁府推問可也○傳于政院曰今來死鹿皮具內
 具待明日打圍後薦禽則不能無傷腐之弊鹿四具明曉令注書往
 宗廟薦之可也○日暈兩珥冠○甲申傳于政院曰宗廟薦禽初以鹿八
 口今又獲鹿四口即遣注書薦于宗廟可也○乙酉日時太白見於午地
 二月丙戌朔聖節使金光轍還自京師上御思政殿引見光
 轍光轍曰九廟之役方張木石輓輦交積如山臣問此木石輓輦
 自何所而來耶荅曰輦則來自蘇州而一輦輸轉之功其價銀十
 兩矣石則出於天水山木則自泗川連筏而來矣臣問何時畢功乎荅
 曰來冬間可畢也畢役則當頒大明會典臣路遇監生張雲霓魏